





大雅集叙

古者天子巡守命太史陳詩以



觀民風蓋將以探民生之休戚

以知王政之得失此周人所以

不能已于采詩之官也故觀民

風而必採詩以陳者民之情因

言以宣猶物因風之動以有聲

也則詩志之所存情之所感而
言之所從以出者乎但上之化
下也有淑慝之分則下之報上
也有美刺之別然發乎情止乎
禮義樂而不淫哀而不傷雖刺
也主文而譎諫言之者無罪聞
之者足以戒此詩人忠厚之至

也然則周人所以采之者不以
其出于情之真乎由是知古之
人以情為詩而其言莫不麗以
則後之人則以詩為情而言不
出于情有矣况麗而有不則者
哉古之詩歟出于民之心後之
詩歟出於士之筆雅頌之作固

能之而風或不之及蓋心匪鬱
伊而寫其幽思者非情之真也
惟中心感發者然後足以吟詠
其性情耳故後世雖有采詩者
實難其人焉然有慷慨以鼓其
氣磊落以驅其才若杜少陵輩
則不能無風雅之作耳若此者

雖微采詩之官識者能采之矣
天台賴先生善鄉以三十年之
勞不憚駕風濤犯雨雪冒炎暑
以采江南北詩人之詩其采也
公矣情深而不詭則采之風清
而不雜則采之事信而不誕則
采之義直而不回則采之體約

而不蕪則采之詞麗而不淫則
采之而未始有不關於世教者
吁亦勤矣哉非其學博而守約
得詩人之真趣者不能造斯域
也會稽楊鐵厓先生批評而序
之命篇曰大雅集而友人盧仲
莊氏乎為之鏤梓既版行學者

莫不購之以為軌式焉他日有
采詩之官者出其必將采卿之
所采以進於上矣於是乎序時
至正壬寅春吳興錢萬在雲間
之水南山北寫

大雅集叙

客有賴良氏來謁余七者察致

其請曰昔山谷老人在州歎曰

安得一奇士有力者盡刻杜公

東西川及夔州詩使大雅之音

復盈三巴之耳有揚生素者任

之刻石作堂因以大雅名之先



生鐵雅雖已徧傳海內而兵變後諸作人未識者有之識其詩付有力者刻之亦使大雅之音盈於三吳之耳不亦可乎余曰東南詩人隱而未白者不少也吾詩不必傳請傳隱而未白者於是去游吳越間採諸詩於未

傳者得凡若干人諸凡若干首將梓以行來徵集名吁良亦竒士哉偉其志而爲之出力以鋟者則淞士夫謝履齋氏余因以山然谷語名之曰大雅集蓋良以待我而我以待諸公庶入是集者皆可以續杜之後而或有慊

為者不入也良曰然書諸集為
叙至正辛丑立秋日丙午鐵雅
道人楊維禎書

倦園藏書

東莞堂子福功堂藏書

雲輪閣

大雅集卷之一

天台賴良善卿編輯

陳立炎

會稽楊維禎廉夫評點

李孝先字季和號五峯永嘉人

箕山操和鐵雅先生首唱

箕之陽兮其木琴琴箕之家兮白雲出
彼世之人兮孰能遺我以憂雖欲從我兮
其路無由朝有人兮來飲其牛

評曰善作琴操然後能作古樂府

李曹氏

和余操者李季和為寂其次夏大
志也附鉄厓先生首唱曰箕之山
今可耕而樵叶因箕之水兮可飲
而游牽牛何來兮飲吾上流彼以
天下讓兮我以之逃叶接世豈無
堯兮應堯之求吾與堯友兮不與
堯憂

題太乙蓮舟圖

銀河跨西海秋至天為白一片玉芙蓉洗

出明月魄太乙真人挾兩龍脫巾大咲眠
其中鳳麟洲西與天通扶桑乃在碧海東
手把綠雲有兩童掣鬪二鳥開金籠

評曰此作又是李騎鯨也孰謂此
老椎鈍無爽氣耶二鳥作日月看
項炯字可立天台人

公莫舞

龍蟠錦帳金弈、虎旗無際人馬立肉林
垂盃陵阜赤萬壑行酒晴虹濕大蛇中斷

狂魄滅重瞳无光射寶玦雷憤風愁三尺
鉄河山未必如瓜裂老荒碎珥語公莫頭
上青天懸日月

評曰錦囊子有奇語无此奇氣

吳宮怨

繡榻洒黃粉椒壁漲紅青倚簷樹絮鬼深
蛇夜鳴髑髏已无淚古恨埋石局草

評曰十字惜過牛鬼髑髏无淚尤
勝無語

夏

溥字大志號虎怕道人淳安人

鴻門歌

大風揚兮赤雲屯楚人望氣皆龍文當時
吾甚咲亞夫幸至彭城疽皆死誰云沐猴
竟遭烹汝乃盛怒咲孺子嗟哉拔山之力
不可得扶義而西取天下者以三尺君看
項王重瞳舜重瞳天命乃在隆準公

吳山謠和鐵厓首唱

中興過江咲諸人二十三表哀老臣倡和

國事可斬檜馬上青衣竟何在采石未靖
瓜州驚戰功今乃歸儒生第一峯前誰立
馬夜箭射血來帳下

評曰二佐不用二李別有一種史

斷附鉄崖首唱曰中原四日一日

東：山草木无金風良精重起大

小岳此是趙家天柱峯天柱裂地

維缺老檜

陸居仁字宅之號雲松野褐雲間人

楚人弓

楚人弓懸兩石五十萬矢陷強敵絳人弓

箭三隻長歌八闋成偉績效箭不如少箭

力制敵若在弓矢間鳴條牧野高于山

評曰史斷八詩箴警多矣

國馬足

國馬足吉行五十響如沃天馬足一日千

里更神速國馬天閑飽芻粟太行監車天

馬哭

評曰自記可悲句短而意无窮
陳樵字君采著書曰鹿皮子東陽人

夜闌曲

碧宇星回夜漫、靈苑烟煖重薰薦冷翠
香銷青桂枝冰荷盖光、透帷花樓艷舞
金菱蕤吳羨蜀酒精瓊糜酒闌半解龍綃
衣春朝曲渚聞鷓鴣

七夕詞

內人拜月金鋪戶鳳宿梧枝秋葉下露華

入袂玉階寒織署錦工催祭杼月下金鈿
照骨明同心絲綵紅生縷素瓜碧寔上繒
樓夜闌飈馭下銀州

瑶臺月

銀河西流烏接翼回首人間化為碧瑶臺
月裡可避胡三郎錯路歸魚鳧霓裳月裡
親偷得又怪李暮偷擊笛

海女謠

海南蠻奴髮垂耳朝、採宝丹涯裡夜光

盈尺出飛魚柏葉收珠寒蕊
生綠花切玉蠻刀如切水九譯來朝萬里
天北風不動琅玕死
出塞曲為戍潼關李總管賦
屬鏤夜啼光屬地將軍一出捲捨死行塵
不動人歸市帶甲如雲自天至取君甲兵
為君洗分明袖裡有銀河水手中遺下泥
一丸不封函谷封太山
雁來紅

卷圖

東朝一書成百戰上林一書旌節返又傳
驕子一函書人不如禽解邊難自從燕滅
秦晉亡是非直到空中雁蘇郎寒絕雁來
紅脚下胡姬殘絲線願燕在北秦在西雁
去雁來无是非

長安有狹斜行此題行也

長安出狹斜方駕秦中客云是牛丞相來
自薄家宅薄家萬戶侯朱門映椒壁長秋
車馬來賓客御瑤席金屋貯尹邢阿嬌淚

稿李曹氏

露臆燕、慵來收繁華照春色轉蕙光風
翻趙帶徘徊月到班姬休班姬鞞芳翰紈
扇从風揚明妃閉百草玉環御雲裝向來
溫柔地盡入白雲鄉何以慰王孫琵琶隨
驢驢何以奉燕、罷舞歌慷慨何以奉明
妃綠珠奏清商嫫母扶无鹽搔頭愛宮粧
評曰襲格不襲語善學小李者雁
來紅狹斜行匠意尤遠
張天兩字伯兩號句曲外史錢唐人

玉笙謠為鐵門笙伶周奇賦

我有紫霞想愛聞白玉笙縣匏比竹无靈
氣昆丘採此十二莖鳳唳啣明珠凰翼排
素翎金華周郎妙宮徵子晉仙人初教成
月下吹參差群雛亦和鳴維氏山頭白雲
起七月七日來相迎長謝時人一揮手漂
下滿空鸞雀聲

評曰甚似太白

延陵公承慶堂詩

大江蒼方兀龍虎輔元之家百神頌望拜
受釐若稽古太清真人閱衆甫新宮潔齋
導天語紛雲郁霞錯承宇虛皇穆然陽衛
武左颺右歛降軫羽縣鐘鏜迅擊鼓赤
金祭服頽朱戶双珠月明帶寶璐挾以流
黃玉櫪具既後大祀私享舉吉日宗族奉
爵俎青紫系地簪綬組魏張代劍新捧土
饒國開觀治宿莽報君親師物咸覩抚已
一念或未溥西壁考書玄範府寒氷層陰

發春煦日幽若明沐仁兩道德大非方仙
五月佩六印非適取持旌召趣迹旁午下
土潭壻寧久處天閑會規足蹈矩願天願
地多忝稔畢志萬年奉明主小史作詩孰
敢侮吁嗟厚德番之祖

評曰不蹈黃迹句意森滿
天池石壁為鐵雅賦倪瓚西

嘗讀枕中記華山閔中吳神泉發其顛青
壁繚其隅春風四山來群綠互紛扶羽觴

曲折行浮花與之俱採珠擧薛荔洗玉弄
芙蓉聳臾頗好名石窪作魚湖鴻乙志草
堂挑炯遂成圖而此滌煩矧閱世如擣蒲
發興雲林子盥手我與摹居然縮地法挈
入壺公壺

悼薛玄鄉

元鄉難再得本是餐霞人高懷獨超物洞
鑿亦絕倫君自江東我吳下早歲聯翩待
金馬

御榻賜書凡一束仙苑偷桃動盈把紫虛
元君之玉訣青城先生教我者感君多道
氣採懷為君寫學士承旨平原公許我與
君揚許同一時標名兩外史羽衣白茅立
下風我還自曲廿餘載君乘輜軒歷烟海
歸錦橋西繹結草樓下袂被長相待風炯
山米共追尋福臨洞口話離心年深書字
化為碧白首蒼茫成古今聖井山崩數千
尺君從群龍去无迹困頓藍車篠領頭此

日思君復何益
奔月卮歌答鐵崖作
鏡社明珠奔八月脫殼正似風蟬潔漁網
出之不敢視滌盡含花光不滅文昌四星
吞在腹一一金晶大如粟蚤物還來作飲
器日夜雄螭茅屋一扇苑快寬有餘半葉
蕉心卷未舒飲非其人躍如水怪兩盲風
生座隅置之天上白玉盤斗柄挹酒長闌
干李白跳下鯨魚皆持勸我飲相交懽
出

宮馮夷為予泣酌尽海水百怪在還我平
生老蚌胎許君醉臥蛟人室
王逢字原吉號蓆帽山人江陰人

婦董行

婦董勝人鎬進妻也與兄順並以
勇稱金季山東亂天兵駐嶧山進
單騎覘之中流天死順徙家淮南
舉室溺死淮水董為呂安抚裨將
所獲

北軍南軍和議時兩起對立龍鸞旗星辰
錯亂風雲氣乾坤造就冰雪姿渾家性命
葬魚腹一舸涕泪隨鷓鴣長眠自足為義
鬼後死只望全孤兒：在腹中兵在目憶
夫心頭臂消肉岱宗誰縷白玉牒汴州衆
撼黃金屋太尉過歸明主死安撫猶存寡
妻宿羞看人面問消息強通笑通寬羈束
伯順見義勇着鞭銳士裹足鋒爭先道傍
弩伏荆棘底掌上珠還江海邊將門有後

傳世：墓祭无所從年：中原山河想如
故目断一點滕州炯

銀瓶小娘辭

宋岳鄂王之女聞王被收負銀瓶
投井死

碧梧月落烏號霜寒泉幽凝金井怵綺疏
光流大星白夢驚萬里長城亡女郎報父
收囹圄匍匐將身贖无所官家聖明如漢
主妾心媿死緹縈女井臨交衢下通海

枯衢遷井不改銀瓶同沉意有在萬歲千
秋露神彩魂今歸來風儵然趙陵無樹容
啼鵲阿爹墓木西湖邊
留 睿 字若愚括蒼人

思親行寄弟子通

今年八月來作客出門倏忽已几百自從
二十走湖海零落天涯幾幾岑寂重
悲嘆親在高堂望子還子在長途衣亦單
准擬明年作官食君祿歸來共汝舞袖紅

編爛天目之山去山不盈尺使吾登之徘徊
望鄉國吁嗟不何生羽翼吁嗟何不生
羽翼

寄遠

征夫徃幽燕賤妾住吳越參商二十載綠
鬢生華髮年々望飛鴻目斷愁不歇秋
冬復春葉落花更發恨君顧妾身不如天
上月々行几萬里東出復西沒又東出夜
先々頻照妾容謾比花君情遽如葉

念欲走從君河廣詎可涉燕趙多美人顏
色皎如雪所樂在新知誰復念離別雪性
本飄蕩雪頂易虧缺何如妾賤心不轉堅
如鐵君看望夫石千載名不滅

代遠人答

憶昔發江南與君生別離臨當上馬時屬
君西男兒幼兒在襁抱長兒能歌詩功名
豈可必三載以為期君時聞我言感額双
蛾眉一去數千里各在天一涯塞北望江

南憶君不知目送南征鴻遠寄長相思
相思心不絕綿綿如藕絲蹉跎二十秋日
月互推移三載約會面斯言遂成欺前年
離燕山遠行到月氏途中天雨雪寒風裂
我肌六月陰山道猶復衣羊皮馬上炙胡
姬顏色如燕脂為君不忍覩君何自狐疑
雕鞍駕朱輪行當似蘇秦千金會舊友推
牛會衆親莫學會稽婦容易輕買臣
袁藏用字顯仁右汴人

春雨嘆

天陰、晝多雨、輕薄陌頭花、無數成塵土。
明朝蕭颯、陰風寒、祇恐催折青琅玕、山中
嫩人看、相倚淚、濕翠袖、時難乾。
袁舉字仲微、號浮游生、江陰人。

乙巳寒食

香風吹南東方來、櫻桃花發柳眼開、鸞簫
散歇、幽蘭咲、十二樓前青爵、叫王母、騎龍
愁暮、雲碧桃過眼、三千春、北山嘉城久無

主寒食、心摧淚如雨、自驚髮薄、不勝梳、心
事披、搖為誰語

舟過三江口

吳淞合流三百里、一幅蒲帆掛春水、統舡
黃鳥啼、盤迴如在巴渝裏、沙上游龍、滴血
紅風吹老魚、浪花起、凝雲不流、神姬哭萬
古、胥魂招不復、客浩歌、誰相續、淒逢零落
漸離筑、思家何處、問津迷、鷓鴣聲裡、垂楊
綠

大雅集卷之二
天台賴良善卿編輯
會稽楊維楨廉夫評點
孫華字元實華亭人

大雅集卷之二

天台賴良善卿編輯

會稽楊維楨廉夫評點

孫華字元實華亭人

池中白蓮

蕊宮夜涼張暑宴仙妹散花水晶殿霞綃
中單雲錦綠黃金為房玉為鈿翠旌導前
寶蓋殿霓裳中序按未遍一人素衣持羽
扇頎然中立白玉弁群姝被酒酡發面冠

珮傾然醉相盼彼我弁者色不變以口承
露不肯嚙終然貞白難自荐獨向西風抱
清怨

錢惟善字思復號曲江居士錢唐人

折楊柳

何處好楊柳板條送遠行花飛渡江水客
醉踏歌聲秋色悽榆塞春陰接鳳城一株
不敢折為近亞夫營

洛陽陌

駟車洛陽陌周道何逶迤玉帛走侯甸金
湯固城池潘令好桃李阮生多路岐銅駝

臥荆棘索靖獨先知

錙字子與嘉禾人

擬古

千金買明珠百寶裝帶鉤寶帶縮同心明
珠垂兩頭美人結新歡託骸相綢繆再拜
稱主壽特以奉千秋

鄭基字本初三山人

白苧詞送謝叔久

征鴻至征旆舉花發芙蓉滿江渚吳姬約
雲歌白苧凝為朝雲向君舞牽絲鳴玉張
宴遲稱觴聽曲心自怡君之別會有期
王逢見前

費夫人

夫人姓費氏諱元琇江陰州知事

朱道存妻也

青蕢花白蒲水黃雲日躔慘風悲涼停轡

西向三酌觴祈旌葆幢來渾茫若有人兮

凜如霜星流電馳惟可望微言宿習大洞

章功成拔宅居帝鄉鵲河蟾竈肆翱翔吟

援北挹斗酒漿帝曰欽哉无太康下為濁

世扶綱常進規退矩礼自防釵荆裙布即

孟光尊姑養之植德堂朱氏堂名堂階珠

樹聯瑤芳明璫蒼佩森琳琅槌鐘考鼓樂

未央楚氛遮天耀天狼飄然歸寧父母傍

止坐添屋憂葵傷官兵寇我如劍鉞是天

倚杆海變桑身有濺血無回腸稽首再拜
淚如滂報馬直上驂鸞皇

趙氏二女辭

女山陰游鯉山人至正十二年冬
寇至惧辱投溪水中死

游鯉山高孱頑游鯉溪水清洄灣中有峩
青鬢鬢望如春雲不可攀壬辰仲冬寇
蠶起乳鼻將軍先披靡民人顛連社稷圯
我固當為貞白鬼后来小妹復被駢亦葬

魚腹全其軀山高水清几千載虹月夜貫
摩尼珠夜深鮫宮屏机杼風吹州寒觸體
語何由生長江泡間及見王睢鼓双羽願
回堯天行化日女子有家男有室地下甘
心灯似漆

鄧梓字文若江西人

錦雉圖歌

錦衣綉翼何揚；棠梨花開春兩香雌雄
並立久未翔只尺或是山之梁林深枳棘

如人長摩挲竹枝思鳳皇

徐士榮字仁則號五雲先生章安人

新律曲

東街南曲声婉揚西街北曲声激昂佳人
唱曲不下樓下白馬青絲韉昨日開筵
擊鼉鼓今夜合席調絲簧樂声亦似曲聲
雜人意豈如物意長祇恐樓上人春光不
長好寧知馬上郎金壁非重寶向來思愛
江水深一旦殘花與衰艸

李復字道原號菊莊老人寧海人

弔烈婦

烈婦身可戮烈婦之身不可辱十年夫壻
從遠征夜下青灯伴幽独豈期淪落兵戈
林長鎗列戟森如竹將軍手刃秋霜肅烈
婦怒視不轉目分甘一死无生還烈火何
曾燬真玉妾心匪石不可轉妾心匪席不
可卷捐軀念歆赴江流回首不堪江水遠
誓將貞白歸黃泉焉肯偷求苟免若將顏

色事他人為誰終身懷媿覩貞魂
光飛妾今視死猶如歸人生天地
一死日月爭先輝我哀烈婦歎此
清聲動洗俗烈婦絕勝烈丈夫
猶畏縮惧死多忘食君祿回想烈
婦徒慙

周之瀚字申甫雲間人

送馬秋野千戶出征淮西

霜原晶
秋草衰西風烈
吹大旗酒酣

仰天數過雁落日滿地青山低時難不作
昇平夢半夜困龍匣中動此行乘雪蔡州
平書生擬獻平淮頌

阮拱辰
天台人

白露引并序

至正己亥夏大旱至八月六日天
氣鬱蒸雲教怒起衆謂是日為白
露節是日雨苗秀且實言已震雷
雨降民相顧怨咨若不能生者噫

世之顛連困苦莫以求活于人者
安知其非白露雨也作白露篇以
雨師

白露雨民无辜小民憂旱籲且呼三月望
汝眼欲枯汝来今日何為乎不為我祥覆
為我殃害我田稗甚于螟蝗嗟尔雨師兮
罪不可量上天憫下兮仁德孔彰願挾汝
兮許帝傍集汝首割汝腸祈豐年若雨暘
坐見赤子歌樂康嗟尔雨師雖死兮其誰

汝傷

雷擊地并序

至正辛丑夏予自瓢湖南放舟絕
湖口而北時雲日晝晦天西北有
龍蜿蜒下垂雷怒若擊物狀舟人
曰是龍下取水而且暴至乃泊舟
別渚見有地當傍近地長可十尺
許俯首不敢動舟人迫而視之地
且死矣予竊意是地從間出草莽

中搖尾肆毒使不過真龍在天則
為害有不可勝言者雷之擊地者
有以哉因喜而賦曰

維龍其神為雨為雲以利我耕耘以育我
下民被地弗仁雷其震
彼虫之毒維蛇与蝮以嚙我草木以傾我
陵谷維龍弗伏蛇弗育

張樞字夢辰陳田人

將軍歌

將軍走馬沙草場猙龍蹀躞鷹飛揚狡兔
之窟回顧无藏置量如雲箭如雨滿眼禍
机寧脱此將軍一日歡且直百兔死君不
見李斯非相村上蔡東門游獵子
釋繼善字絕宗會稽人

大雪行

冬十二月歲庚午江南雪深一丈許衾裯
斗粟何處尋凍餓飢民不開戶妻啼兒號
面西東天高聽早欲誰訴去年一極旱火

赤今年一極大雨注官倉私廩例空虛蒼
生何以守環堵西北風塵未及消道路豺
狼又含怒明年宿麥縱連雲揮涕元從扣
箕禹凭誰寄与東諸侯恤民有道无輕率
君不見曩時桑大夫恠刻祇取身滅誅又
不見只今曹黃須擢髮數罪憐渠愚
釋必才字大用天台人

即事二首

負郭有由多不種：熟軍收要民送明年

誰渡事犁鋤卒歲渾家受飢凍忍飢受凍
可奈何直須撿刮焚其窠去學短衣帶刀
箭倒刮他家卷良賤

其二

泗州倉教飲雀鼠官有舟車難運取蠅屯
螿慕急要粮巨室大寺遭鞭楚捧土懸知
難塞河檢家掠路傷民多分兵兼程走其
下就倉食粟如之何
無題

飢虎狂吃奔城市急走閉門驚未已有人
直欲擬其牙斃之視若刑犬耳如此英雄
在豈無位沉下僚困屠沽諸方噬人足狼
帛袖手待殪將安圖

其二

西家酒美門惡犬東家犬馴酒味薄
就多在東積錢難用翻愁索憑誰斃却西
家犬兩壚吹香過客便不愁東槽風雨乾
到門自挈空瓶轉

沈存字肯堂雲間人

懷友人俞伯貞

去年秋風捲黃埃美人躍馬沙
秋兩白日美人遠上黃金台黃金臺下燕
山道漠漠寒雲接衰草雁飛不斷青天長
使征人路傍老美人胡不歸清霜
凋尽珊瑚枝臨風三嘆思欲絕悲莫悲兮
生別離

盧昇字廷奉高安人

咏木吟

咏木：：穿林蔽：汝非攫肉又不啄粟
何独蠹虫便尔欲樹枯不復榮蠹死還再
生汝能食蠹不再生我奏天子褒汝繡衣
使者之嘉名免死蠹木為薪蒸

新娘娘

新婦調羹湯小姑綉衣裳新婦不停手小
姑不下牀新婦語小姑尔亦不自量尔年
二八餘寧久阿世傍請再綉針底文彩覆

鴛鴦春風一朝起持贈西蛾郎尔姑别我

去如我事姑嫜

范 字叔中 錢唐人

遠遊篇

仙人手把金芙蓉邀我上陟蓮花峰兩眼

注 入滄溟東浮雲遮斷扶桑宮白日西飛

恐成晚架天五色橫長虹鳳皇儀羽備珍

彩欲集不集无梧桐真：昏：晚羅網亦

有數點南飛鴻怒鯨崔嵬鼓鱗鬣浪中瑣

肩多沙虫從今喚起人中龍披虎豹謂
 九重舞干羽息武功泰和世上皆春風是
 時勒名留鼎鐘左招黃綺右赤松長歌歸
 去來山中東新雲感儲林森宮白日西
 山人賦三色梅花遊地土利動西和
 姑射肌膚白于雪夜出瑤台看明月羅浮
 仙人醉臉丹咲跨彩鸞下銀闕相逢同過
 金母家金母小玉名陵華一色羅衫染蜜
 褶仍帶絲囊盛紫霞珊瑚鈎起真珠箔玉

笛吹殘風色惡群仙俱怨老容華斑
 向銷縮落月夜調琴

月夜調琴

橫琴独坐花間月天地冰壺夜清澈鳳皇
 樓老碧琅玕蹋碎瓊瑤六花雪斯湏化作
 蒼龍吟風生太岳秋陰下有美人兮隔雲
 漢調高奈我相思心如
 瞿智字惠夫崑山人
 從軍行

年少去從軍，妻兒生死分。
弓關孤月影，劍道七星文。
解識風雲氣，能穿虎豹群。
不將身許國，何以樹功勳。
破敵三營外，城頭日欲低。
卒烽連磧遠，戰氣接雲齊。
旗幟驚烏起，鏡箭雜馬嘶。
祇愁千里月，少婦正悲啼。

徐孝基字立本章安人
見群龍歌辛丑夏至日賦

玄黑崔嵬半空黑，大龍蜿蜒小龍直。
天瓢倒瀉銀河懸，海氣空濛海波立。
須臾復有

三四龍威稜，氣勢如群雄。
雷公擊鼓玉女咲，飛烟烈焰飄長風。
維時一陰凝，下土六龍在天啟。
坤戶陽剛奮，无停机久旱終當沛。
甘雨我方扁舟湖上行，見之頓覺雙眼明。
茫茫真宰不可詰，乃知神物能通靈。
君不見葉公好龍，妙圖函一朝忽有真龍下。
可憐辟易走且驚，不識真龍足悲咤。

三
四
五
六
七
八
九
十
十一
十二
十三
十四
十五
十六
十七
十八
十九
二十

大雅集卷之三

天台賴良善鄉編輯
會稽楊維禎廉夫評點

陸居仁

古意

采蓮多芳草種豆雜艾蒿馬齒似蕙根魚
腸渾鉛刀舉世方好竿錦瑟將誰操已矣
屠龍技終自徒自勞

其二

王孫玉抵鵲公子金抵蛙夜光投暗室綠
耳困盞車燕石錦十襲楚璞刑再加哲哉
待賈翁懷寶無嘆嗟

李坦之

李太白酒樓歌

漂陽酒樓春水涯白也繫馬樓東家千金
醉盡不復惜猶吹玉笛引吳娃日斜樓外
春風起春愁滿眼楊花裡高歌一曲下樓
去遍傳江南數千里錦袍綠水迷蹤跡落

日空梁照顏色江頭尺日不見人樓上几
年无此容倚欄仰看西飛雲如何不飲憂
其身只今寂寞千秋後誰酌采石江邊故

山中苦寒歌

深山苦寒弗可居門前積雪三尺餘陰崖
一夜石蛻骨寒溜萬瓦冰垂鬚道人凍卧
山之麓莫熟松明煮溪綠山陰孤棹期不
來夢入幽岩聞折竹征西將軍持短兵馳
馬夜渡黃河水關東諸將面欲裂巖光獨

釣桐江雲

悲戰士歌

吾聞上古无為天下治兵車首自軒轅氏
湯武爭王起征伐秦併山東乃稱帝乱世
英雄力排主四海生靈血塗地中原落木
風颯：一度興亡一度秋軋坤百戰日月
黑太華不動黃河流玉關旌旗拂太白王
師萬里開絕域春風草綠師未還鉄箭飛
書問消息功名不願萬戶侯富貴不願千

倦園藏書

金裘但願朝廷有道烽燧息結屋深山看
青壁

李

哲字公毅號耕雲前進士

韓之盧

韓之盧猛捷世所无利口疾足逢時需
以糠粃飼以餘感激意氣心力輸平原八
月秋艸枯呼嗷詭遇當前駐東郭之魏衣
褐徒食邑郊地承其初尔祖于成封時俱
不侵不暴穴以居尔窮其啼禽焉保不室

稿李曹昆

累、恣所屠逞心得雋名欲沽北山有狹
瑜南山有於兔大為民害尔勿除聞其腥
臊安尾逋觸邪既无辨豸德仁厚又不慕
驕虞畏強凌弱心何如上天好生尔好殺
逆天因道天必誅一朝惡積殘其軀形骸
狼藉磔路隅傍人不恤掩鼻趣有孀其雌
哭呱、百獸率舞蹙、呼

青孫華

宇文子貞至驛為松江諸色田糧事

賦古詩贈之

朝行谷水東莫行谷水西谷水日：流駟

舟日：來駟舟來不已波浪日：起

朝行谷水西莫行谷水東傍人指駟舟

中有春風：吹谷水照見苑与李

不商人婦

妾年將及笄嫁与東家兒東家兒取江

西夫婦五年三別離江西娼家花滿蹊不

知今年歸不歸春來還為作春衣滿院揚

構李曹氏

花隻燕飛
 揚基字孟載蜀人
 黃雀生歌
 君不聞眉山道士徐佐卿化為黃雀朝太
 清還君金僕姑留得千載名又不聞亨隆
 小仙徐子貞翩自稱黃雀生鍊形蓬萊
 山鳳憶紫燕膺午有六百年飛上白五京
 白玉京錦貝闕十二樓五城娟萬青娥
 吹笙來相迎黃雀生骨相奇金衣玄霜裙

纖指而洪解不飲華漿池不啄青田芝
 彼五色鳥覽德輝下之浮丘不能招八公
 不敢騎飄然從西來不使上帝知帝遣紫
 虛元君魏夫人夜乘白荒來相追琅霄頃
 刻九萬里追之不及鸞轂悲黃雀生請稍
 留爾為黃鶴舞我為我黃雀謳便須吹玉
 簫登爾黃雀樓高几百尺見三島十洲
 瓊珠金光草鉄網珊瑚鈎樓今已搥碎瓦
 礫三十秋黃雀生孰與儔母乘腰纏人扶

搖上揚州，瓊花已枯死，仙人不復來。
追遊黃雀生，鉗尔口，母啣紫泥書，寄与西
王母。見尔咲起，小垂手，黃雀生來尔
聽崑崙十二峯，朶芙蓉，青上有双羽箭。
金鏃孔翠翎，我為取之射。此天狼星坐，令
談咲間，四海烟塵清。尔亦策尔勛，我為爾
勒銘。更呼薛少保，圖尔雲臺形。黃雀不肯
頷長鳴，掉頭去。路逢鐵龍君，盪道其故
龍君勸不止，竟觸龍君怒。手挽黃鶴衣，不

敢去飛遠，三華樹夜深。龍君睡不醒，黃鶴
高飛不知處。

董佐才

題考功掾金華范景淳夙木圖

金華范氏忠孝門，天道福善生賢孫。若云
父母壽不永，三復伊蒿如事存。結廬門秋
復春悲，風拱木偏愁。人弱枝凌空，根入土
根犹父母枝，猶身木雖欲靜，風不止子雖
欲養親不俟，由来大孝慕終身。聖祿虞舜

賢魯子去年辟試銓曹史回首鄉閭二千
里函得墓門風木圖此作座銘懸旅邸風
吹宛似聲號呼木身未著涕淚枯目之所
至思所起百歲一日心無殊召公甘棠武
侯柏惠澤在人人尚惜晚節移忠顯令名
報取勛勞恩罔極

方寸鐵為盧仲章賦

方寸鐵百鍊剛吹毛劍鋒秋水光鐫勒妙
儼部竹房倒薤文連環鈕通侯累、懸肘

後伏龜跌蟠螭首頌德紀功垂手不朽鉄
名已著霜滿顛復得鉄業傳二雛勿剗元
祐黨勿刻論瘕符何如徃補石徑缺萬古
六書存楷模天下英毫知所趨伊誰之力
丹丘盧

董紀字良史

短歌行

山鳥日喚提壺勸君酒盡須更沽千金
五花不足惜莫計囊中錢有無人生百歲

幾時好大是愁多歡樂少朝見開花莫落
花昨日朱顏今日老為君起舞為君歌當
年不樂奈老何

紀夢

夢中扶飛仙與我肩相齊手持綠玉杖脚
踏青雲梯彈指天門開天家難久稽培塿
視三山九州一丸泥蓬萊自清淺海水忽
流西金雞半夜出又向扶桑啼

張

樞字夢辰

半生日自責

西有濯錦江東有自滾湯南有樹酒北有
地種羊我生四維中曾无一線長仁獸乃
騶虞瑞鳥為鳳皇帝江解音律火鳥識興
亡老我嗜書史壘空文章聖德不暖席
賢知亦賣漿飯牛百里奚誣金同舍郎我
何為一隅跬步費籌量緹縈小女子有策
陳未央姬滿甫鬢對言如珪璋退耕力
不任進升心未遑我髮日種我生日茫

構李

顏然六十翁宇宙須眉蒼一子峭孤立
力穡不救荒三弟各奮飛食祿天一方今
年耳重聽兩眼无童光長咲却秦兵大哭
救楚王少不同鶚薦老无事鷹揚今日屈
初度妻子具壺觴坐我方惻然置身桃李
傍肴核雜前陳旨酒弗顧嘗聽我心中辭
援琴彈慷慨父母生我時艱險且徬徨三
日^不尋食俾整棺衣裳皇天与后土覆載德
汪洋展墓^何渺望許望白雲鄉惟有罔極恩

九死不足償妻兒悉我意嗒然摧摧肝腸
請從事斯語沒身不可忘

高啟字李迪平江人

明妃曲

都門塵拂春風面臨別看花泪如霰君王
惆悵惜蛾眉不似前時函中見白髮呼韓
嘆漢恩寧胡漫號關支尊毡裘肉食本異
俗不如但嫁巫山村黃沙漠、无城闕指
冷鴟^絲夜彈歌相隨萬里到^廬只有長

門舊時月妾語還憑歸使傳妾身沒虜不
須憐願君勿殺毛延壽留西商巖夢裡賢

秋江曲送碩倅之江北

秋江月滿秋潮大江上行人待潮過別離
休說渡江難半日順風舡穩坐楚鄉茫
葭茨平使君來時雄雉鳴子弟從軍渡江
去幾時猶住久陽城水田雖荒飲常足芡
朱夜春三十斛誰道繁華不及前戶无征
稅官无獄渡江君莫留北江樂似南

江秋

劉原俊

字用章浚儀人

過歌風臺

六國無人祖龍死布衣提劍山東起八年
置酒未央宮千載猶思復田里風飛雷厲
來咸陽錦衣共如婦故鄉登台作歌醉眼
白俛視四海諸侯王寂寞河邊一丘土烟
樹蒼茫接齊魯行人何必重傷心世事回
頭今亦古

安將軍歌

安將軍紫髯鉄面多戰勛
猛氣散作西山雲前年紅巾入城府
赤子滿城誰父母將軍血戰城東門
五百健兒齊奮武更有大郎猛于虎
身屬橐鞬寶刀舞打馬奪橋入賊塢
殺賊尽作河邊土將軍父子真有功
今日渾如筆函空將軍功豈不好并山
入雲青不了朱堂字肯堂

聾婢辭

山翁有老婢凶歲家窮幾十千
負之歸用以司農炊醜惡固不論
病贖殊非耳指揮失西東百喚不一知
王母大叫如焉用癡婢為回頭謝母翁
聽婢前致辭婢也病不聰婢也誠非癡
世情惡察偏聽生姦欺鄰生入幕賓臥吐
王允之紛：墻壁間屬耳干人私殺床
驚燈開渡冰笑狐疑作勞暮夜鳴
鞋續左右規凡此非婢病且良

可醫奔趨及語言所恨見事遲口且順
從手足可運持幸毋休迫駟假以寬緩期
猶堪脩汎掃或可貸鞭笞况在蒙莊書亦
聞老聃師五音令耳聾六鑿使性殺不癡
亦不聾聚室能无疵有耳未足喜无耳未
足悲此疾何足惜此理端可推翁世聞婢
言失笑几解頤勿輕聲婢癡更謂襲婢竒
明年社日來乞酒為尔治
萬權字仲衡

兄入甕
來俊臣與周吳對食問囚不服當
何如宜置炭熾甕人居其中無不
服俊臣出内狀曰請兄入甕
炭山高赤如血炙天欲然燎地欲裂
火鴉亂飛鉄甕熱請君投箸坐甕中髀骨
焦枯自為孽鼯鼠捕狸鼠技竭蛛絲羅螫
蛛先噉甕中人嶺南別
母提刀對息

僕固懷恩謀叛不朝歸白其母
提刃欲殺而殺止之

母提刃泣且教臣當死忠子當死孝天王

待汝恩不薄食邑太寧頒紫誥兩虎爭百

獸笑我欲為國除殘豨剗尔心謝三軍斷

尔頭告七庙嗚呼賊子何煩老吾老

釋仁淑字象原

關山月

白楊風蕭蕭胡笳樓上發壯士不知還羞

對關山月去年天山歸皎皎照白骨今年

交河戍明凋華髮交河水東流征戰無

時歌斗酒皆雙歌罷淚成血

沈禮字原礼

題蘇小小墓

歌声引迴波舞衣散秋影斷夢別青樓千

秋香骨冷青銅鏡破双飛鸞飢烏吊月啼

鈎欄風吹碧火不滅山妖哭入穢狸穴

西陵墓下錢唐潮來潮去復朝墓前揚

柳不堪折春風自縮同心結
釋行方字行紀嘉定人

顧玉山草堂席上寓興

春暉樓頭最早主人宴客情更好萬斛蒲

菊瀉綠波一色攪剪芳草捲簾山色何

真：吳天半掃蛾眉青亂雲忽起倒壓白

日停野狐啼烟道路黑海風吹雨蛟龍腥

短歌長吁傷我情門前溪水声冷：董佐才

青藜杖應該

北斗城頭風露凉閣名天祿隣未央卯金

之子較書倦嘿思周孔參羲皇黃衣老人

叩門進青藜杖端吹火先：如崑山炷龍

照几席炯：鬚眉蒼共談來今及往古義

理玄與辭精詳自非神功俄頃助經籍至

道淪微茫太壽灵壽謾榮翫葛陂龍竹徒

荒唐豈如天上有太乙能使人間文運昌

雖云通眉尺度短扶扶聖教千年長當代

人才亦豈少好著更生居玉堂

俞鎬字孟京雲間人

擬古

李白一斗酒慷慨詩百篇一時縱豪放意氣凌青天皇帝降輦迎天下稱其賢悠千載下此道匪不傳

其二

漢祖雲夢遊當時曷為意執信繫之歸封以淮陰地一為陳豨謀功業已違志悴焉

煩聖憂忠良勿宜廢

其三

昭侯愛敝裘勿賞徒笑嚙孔明誅馬謖克意在經綸一以待有功一以示死親罰賞苟不濫大業崇千春

其四

魏記未云久司馬懷其壘骨月復相殘敵人遂蠶起中有慕容氏岷然乘間起覆轍勿復蹈鑿之在青史

顧或字孔文

塞上曲

燕山蒼，塞上紫雪花如沙，月如水，穿廬
酒煖貂裘温，匈奴角声全部起，将军弯弓
髮指冠，指堕马，蝎心不寒，士卒並持蘇武
節，首魁莫作李陵看

刈管

刈管種冬葵，生管亦生再刈葵，必傷置
之管，復榮地力既已竭，灌溉亦非輕，絲焉

同草莽，何以慰吾情，刈管當刈根，始謀在
深耕

余詮字古平，抚州人

春夢軒

池青草色暖，蝶曉花枝滿，花滿復花稀，春
婦蝶亦婦，蝶婦春杳，春夢何時曉，推枕
看東風，凡人春夢中
袁凱字景文，松江人

蚊

羣蛇戢：方開爭蝦蟆，蝮相和鳴，百足之虫，行無声，毒氣着人，昏不醒，蚊蚋雖微，亦縱橫，隱然如雷，吁可驚，東方日色苦未明，老大閉門不敢行。

吳卓哲字子愚号淡雲野人華亭人

題西省掾王继善望雲閣時親居錢

余唐

掾郎思親仍好奇，野服矯首天之涯，白雲何處是親舍，吳越山橫双黛眉，當時釣游

在親側，縱逐風雲上京國，一為微名，歸不得，兄弟无人，慙顏色，漫把羹墙擬白雲，聚散愁纷纭，九江秋早，祿田熟，負米趨庭，手自饋。

過裡洋河

裡洋河何湯，奔流百折到漣岡，砂碛灣；里路長，舡頭照見落日黃，愁雲低沒，双鳧翔，檣烏孤征，西徬徨，遥空半作明月光，凉風忽来吹我裳，荻花夜白，含清霜，裏洋

河思故鄉

雪夜有懷范玉厓叔中朱滄洲孟辨

江南地薄雪併寒綠江矮屋茅復單

來溫空燎眼春陽不暖先生樂西家利酌

常苦酸東家垆頭量子寬山公八斗為足

醉少須暫解雙眉攢門前柳花飛作團瑤

田珠樹森闌干鄰放僵卧竟不起對此欲

賦誰同惟南州俊髦陸與韓躁進悞刷凌

雲翰雋才既生急一官肉眼不肯空曹瞞

滄洲渺渺玉厓巔二仙者流同余肺肝

進直任公鈞退屑誰王丹宗儒倡道富文

學妙斡造化歸毫端乃謂宣尼顏子不死

亦易事十思見後天日月凋雙丸今夕復

何久三山皆白鸞我欲邀二仙授簡發漫

汗仙兮素愛我御風諒非難戒兒預沽客

一石此醉要吸六合萬頃漉壺乾

寄閩中兄子昭

日落咸池西迴光
 麗幽崖陽精有時下死
 草生春菱鳳羽亦翔集
 鳥啄相和諧脩名
 在早晚君子憫中懷
 其二
 有客扣我門手送闕中書
 我懷相感發憤
 樂在須臾征途問生死
 加餐安起居樂只
 父母心富貴將何如
 王逢
 題曹煥章松筠軒

煥章号采芝生雲間
 人事親孝好
 博古雅善書画
 其所居松筠軒
 時煥章謝病却掃
 意晏如也壬子
 夏因哭母喪明作詩以贈
 蒼髯之官直節君曹生
 落日與群立園
 傲兀歲寒月几筆
 汎沓陰涼雲天風冷然
 露清洒山人曾來坐
 其下谷水秋高一
 崔
 飛門前過盡黃塵馬

飛門前... 雲... 山... 人... 志... 不... 公... 水... 烟... 高一...
... 日... 報... 立... 國...
... 山... 上... 子...
... 山... 上... 子...

大雅集卷之四

天台賴良善鄉編輯

會稽楊維禎廉夫評點

張以寧字志道閩人

蛾眉亭

碧酒双玉瓶獨酌蛾眉亭不見李太白但
見三山青秋色淮上來蕭然滿雲汀安得

五十絃彈与蛟龍聽

孫華字元寔

夕陽

夕陽挂紅鼓強半浸綠水斯須日漸下堆
阜參差起老夫岸中坐併入圈西裏新
无停机擬議已非是人間希闊事終有變
滅理如何曠土懷眷不能已

倪

璣字元鎮

送李徵士過荆溪訪王司丞

何處尋狂客故人王子猷
花落后前樹風吹溪上舟
紫筍生春雨綠蘋滿芳洲
心隨

酒船發悵望不能休

送李徵君還揚州

二月柳始花淮南客還家
階前疎雨落堂上春衣薄
為言沈約在吳中玉壺青
綠酒如空春風相遇過蕙
艸綠芳菲滿堂樂未終

錢

璧

字伯全華亭人

贈瑞雲林上人

英谷口雲鬱：溪上林形影
偶相值去留復何心握筆攬
秋思倚窻延夕陰誰云

市朝遠亦足憫幽尋
鄭基字木初三山人

擬梁簡文五七言体送鐵文彬左丞

奉

召還京

將軍功盖世揚威淨海隅
蛇矛縈後騎虎衛促前駟
三門開地甲八陣轉天衢
鏡鼓潮頭響竿旗日下趨
飛梯揖暗島合璧示宏圖
降醜尋封奏

帝迹璽書嘶鳳落青真再召伏波歸闕下

南荒銅柱已鐫銘駢：返駟馬黃河春始

融輕風流碧塞晴日炫彫弓柳畔秦山麗

冰消泗水通錦鵲窺長坂白雁墮春空黃

封將法酒羽檄候元戎麟閣图形已預知

更應設帳會瑤池夕斂花光歌吹歌御帖

重頌紀宴詩

李在字象賢寧海人

和友人過西郊韻

秋原晚蕭曠杖藜荒迳微川迴衆鷗集天
 清孤鶴歸寒烟蔓艸密積雨豆苗稀臨流
 擬結構息鞅振塵衣
 釋萬金字西白吳郡人
 趙千里田家四季圖
 桃花浪已深楊柳風猶弱鄰曲欣往來逢
 迎勸耕作健犢不自暇老農良有托共醉
 社日尊陶然得真樂
 其二

蚕事方苦成鳴蜩有新声揀袂雨初遍沿
 艸日不停雜坐高樹陰解衣午風清佐勞
 時自逸孰謂非常情

其三

湛：露華白蕭：楓葉殷黃雲已半斂玉
 粒終不慳官賦戎早輸農家期暫閑
 互招飲只在隣里間

其四

欣逢大有年困積瘼稍豐滌塲已十月朋

酒邀諸翁處：歌擊壤熙：詠幽風兒孫

自生長樂與克民同

釋觀通字希遠宜與人

盞中荷花

愛此荷花紅天然非雕飾披：妍令姿停

：映清濕風引茵蘼香露含珊瑚色真之

白玉壺光輝滿瑤席

周砥字履道

吳越兩山亭

卷圖藏書

兩山夾江水孤亭橫翠微吳雲與越鳥千

古不停飛風尾洒松瀑月壑舞羅衣王氣

未消歌霸圖今是非長歌一盃酒掃席延

清暉

王逢

題顏守仁竹石圖

廣文窮益堅竹石硯池出勢却虞人旌籟

隱伶倫律渭川春暗雨淇園寒落日鳳深

蒼梧雲茅簷花復屋

稿李商隱

題俞東岡六有齋

隱居古善人中歲稅塵鞅座陳五經傳
揭六有榜儼若上帝臨於焉岱宗仰昕曠
貴循度瞬息戒或罔賓師臯比擁兒孫
蚌珠朗將見一家學鄉術春狹益世方
驚虛遠俗復競浮獎不圖窺橫渠莘航
排風上予嗟清流輩既悼八厨黨何塔
名教間浩然獨還往月林函疎影溪岫
臻灑爽良觀非後遲朋酒置犧象

蘇大年字昌齡廣陵人

題萱花園為賴善菴賦

亭：萱艸花歲晚顏色好
只言北堂陰樹之可怡
老歸歸未能遊子悲
遠道披圖歌白雲天末
飛鴻杳懷

曹睿字新民永嘉人

贈顏守仁

吾友夢谷生其人美如
玉平生鐵石心剛介不可
辱寧甘首貧陽寂寞在空
谷懷哉

能几見高風激流俗
買閭宇兼善會稽人

述懷

流光何駸：瞬息不我待憶從越山來忽
復廿餘載羈紲迫險艱形容為之改世澤
嗟僅延生涯念何在冰霜歲云莫憂端際
滄海積陰韜日月矯首重與慨願效商顏
翁行歌紫芝採
葉祀字南有京口人

重感衷

貢賦通重譯耕桑被九垓歛蕩氛祲滿不
謂歲時催丞相與師出綸音降使開紫泥
封五采黃道統三台燁：宣光業桓：李
郭才陣雲連朔野廟畧定夙埃香糲江南
餉蒲萄隴右酷群馬金匱匝堯帳雪毡魁
劍動彭城漬珠還甍社來長駟危破竹密
令疾銜枚王者征無戰群雄執欲摧忽聞
君命召竟勒將旗回中夏捐雞肋清朝隱

鳩媒義聲從此逝銳氣一時灰天迥威孤
弛城孤西角哀火狐翻嘯聚海鯉復喧
款附真遺惠除封實戲孩民情猶耿惻天
討尚徘徊憂憤飛神爽瘡痍映泪思衣衣
徒倚注肉食自與僅河漢明如洗昆命豈
易頽孰矜黃鵠志羞上野鷹臺微効寧無
寧念篇詩信漫裁霜晴野空濶獨立望蓬
萊

董佐才字良用

題華亭朱孟辨篆家詩卷

古初无豪毫楮羲畫何由傳孰知文字理
已具河圖前神農洎蒼頡俛仰極人天
書与鳥書創制分后先龜疇錫禹時盤銘
著湯年岐陽紀石鼓史籀稱獨賢矯首蛟
龍蟠鬱若鎖鈕連科斗聿行漆形体目自
然一從孔壁廢重為經籍憐秦相籀約古
撰次蒼頡篇小篆遂名家勁健含姿妍
封及詛神金石紛雕鐫下逮隸八分变化

如烟雲漢經煨燼餘文教仍敷宣保民存
六書學僮緣九千楊雄纂奇字杜林解探
研繼踵非无人意氣莫不全偉哉許祭酒
菟羅歸簡篇墜緒賴復幸後季知相汾陽
冰克遠紹鉉錯造其玄近代部与周華勢
回奔川華亭朱茂才好古喜欲顛一掃世
俗書習篆忘食眠秦望并之果碧落兼新
泉小者案間列大者屋壁懸平生囊橐貲
多充買碑錢功深學既精齒壯志益堅池

魚染皆黑鉄硯磨將穿摹榻累萬番期差
古人肩師法正在茲什襲比蹄筌孫樵文
自祭智永筆忍捐前修不我欺我癖尤難
痊差峨細林山上与浮雲連譬彼汲冢書
巫之瘞其巔聚土對若堂劉石表為所共
陽碧樹交其陰書帶綠山靈謹訶護有名
如有仙揮洒人間者顯晦名非偏寶劍賈
胡發玉柙蔓艸纏如何篆冢光夜一映星
躔王

王逢字原吉

沈一中清友為修秋堂風露琴先寄
是詩期過寂間園夜宿

一日焦尾脫十年孤鳳暗忡遭運斤手妙

得斷輪心溪館茗烟薄石床蘿月深携之

肯枉顧側耳陽春音

淵明把菊圖為居生遵誼題

解官賦歸田把菊秋風前顧問劉寄奴何

如傳延年

大雅集卷之五

天台賴良善卿編輯

會稽楊維禎廉夫評點

孫華字元寔號果育老人雲間人

至順政元季夏大雨凡月

雨欲沉三版天應隔萬重元年書大水六

月變窮冬消長閨時宰艱危注老農蛟龍

母太橫於尔卜豐凶

召命因赴省以老母夜至嘉禾駟二

首

歲晚離家之更深上水舡犬鳴營柝外漁
唱駟灯前遠後閑慈母孤忠伏老天極知
朱紱貴無奈綠衣妍

其二

漢使徵求急潘輿定省頻小人猶有母率
土莫非臣歲儉盤炊玉家貧酒泛銀自緣
憂宦髮豈敢逆龍鱗
張憲字思廉号玉筍生會稽人

次許廷佐見喜寺樓韵

高樓名喜見遠客独傷心鞍馬思劉備衣
冠惜華歆曙光浮海濶秋色到江深送目
闌干久冥鴻入窗沉

黃璋字仲珍華亭人

遣興

滿目烽烟在經春血泪垂素瓦投筆志空
有掛冠思江總真能仕陶潜托賦詩独餘
心炯々静夜月應知

稿李曹民

卷圖藏書

其二

牢落悲生計艱難
嘆索居母兄皆寄食
兒女久無書井邑
兵戈滿郊園瓦礫
餘傷心
春雨過農事定何如
徐孝基字立本章安人

寧海道中早行

中歲事行後勞生
卒未休大星垂野
白遠水際天浮土
俗魚鹽富民居橘
柚稠何年謝塵鞅
歸臥此林丘

劉

孺字小齋江陰人

送朱自明調閩憲掾

昭代急才賢君今甫
妙年閩中烏府客
江上米家舫美化移
蠻俗清風歛瘴烟
好尋京兆老珍重
玉堂仙

釋宗衍字道原

吳江晚泊

風壤三州接江湖
一水分虹消滄海
雨日落洞連湖雲
客意終難盡漢歌
宴飽聞長

思陸魯望不出可忘君

秀州東郭舟中

自在眠沙鳥參差入郭舟
山林吾計拙天地此身浮
曉氣成雲住晴波雜霧流
攬衣疑厚薄十月暖如秋

釋元本字立中

東許廷佐

近聞新出處水北古招提
鵬鷲凌塵出驂騶頽主嘶
失弓還問楚抱瑟漫過齊
道上

將軍樹詩篇莫浪題

歸懷

憶昔兵戈際艱難覲省歸
途關歡進酒弟侄戲牽裳
慈竹春陰合萱花夕露微
即今懷父壠祭掃久相違

程煜字彥明維揚人

過太湖

擊楫中流去西風客思催
地吞南極盡波撼北冥迴
蛟館懸秋月龍宮起夜雷
濯纓

人不見長嘯倒金罍
楊基字孟載蜀人

夏夜有懷

重露澄秋色輕風生夜涼
碧看湖艸亂紅
愛渚蓮香有弟徒相憶
何人不異鄉
悲笳在城上
雙汨落衣裳

其二

西月離東井黃雲近紫微
秦州今日亂漢使
几時歸故日
皆朱紱風塵只素衣
流螢

念孤寂相照入練幃

邵思文字彥文

簡報國寺渭清遠

聞說招提境空山紫翠中
法王新象馭天子
龍宮愛酒慙陶令
能詩憶遠公
欲尋方丈室相續晉賢風

浙江亭

極目錢唐上
千山列西屏
雨晴江樹碧
潮落海門青
對景悲王導
大人移家憶管寧

臨風一惆悵
沽酒慰飄零
入
梁天祐
字祐之
華亭人

遣懷

四十今年是
亂離生百憂
身居南海上
家在北山頭
對酒心先醉
看花淚欲流
時危賴支遁
禪榻重淹留

董章
字士明
四明人

輓邁里古思

大夫寧制虜
元帥豈容文
白髮難忘母
丹

心只為君
虎狼千里戰
吳越半江分
落日孤城在
忠良死後聞

次友人韻

唐室何多難
詩愁社拾遺
皇天終厭亂
聖德本无虧
自比當年事
空懷故國悲
一般思弟妹
不在漢鍾離

許弼
字廷佐
黃岩人

涼雨

火雲將晚
感涼雨忽
西來天地秋
先到江

湖客未回思家室有淚憂國豈无才萬里
關山道誰憐庾信衣

魯淵字道原曲阜人前進士

題馬文璧秋山圖

館野空山裡林泉象外幽淡雲初霽雨紅
葉早經秋路轉山藏屋橋岸倚舟直疑人
境異便欲問丹丘

俞俊字子俊

歎息

百年同轉燭五十始知非老病侵腰脊浮
名苦鬲靴閑門羅可設今兩客還稀定羨

茅堂燕翩、傍母飛

沈欽字欽叔

寄劉小齋

村迥葉落赤江空寒日黃野鴉隨處宿官
柳自成行無路歸秦客逢人問楚狂長歌
一回首悽惻向滄茫

張樞

得共辰弟詩次韻寄安慶建寧二弟
一作

三弟一書歸經年萬事違舟移安慶雨雲
你建寧衣老去知心少春還見面稀閑愁
无着處開遍野薔薇

釋原澗字天鏡雲間人

重九

舊日重陽節惟尋曲米春忽經時到眼但
覺老隨人白髮雖多難黃花不厭貧登高

本无意踪跡愧紅塵

其二

故舊俱淪喪人情轉寂寥馳逢九日牢
落是今朝把菊難為醉囊萸只自消江鄉
獨无賴風雨暗蕭蕭

顧天祿字謹中

夜泊

海近潮初上江清天倒流故鄉頻入夢此
地獨維舟落雁沉霜鏡潛魚避月鈎不眠

催早發歷一數更籌

其二

城郭還依舊人民似音非故鄉南去遠奉使北來稀水落波声小天空月色微客舟隨處宿浪跡幾時歸

釋靜慧字古明

寄梅雪朱隱居

何處風篁好漁莊路非遥水光清暑簟花影赤闌橋坐客分詩卷鄰姬浣酒瓢離懷

無可贈春夢遇蘭苕

顧或字孔文

客夜

露下碧梧白風生玉簫函關河今夜客天地十年秋鼓角悲新鬼衣冠憶舊游都将周顛汨洒遍黑貂裘

買其間字兼善

和年弟聞人樞京城雜詩

鳳詔頒初罷花陰轉玉墀益梅調鼎餽絲

竹奏咸池風靜爐烟直雲開扇影移紫薇
花下客爭賦奪袍詩

其二

山勢北來遠河流東去長天階羅虎拜帝
室降龍祥石鼓苔痕碧金盤露氣涼慚死
董賈策三伏獻明光

其三

落魄南州士看花愧不先來承金馬詔及
見玉堂仙日月開雙闕星河麗九天何階

帝近袞身惹御爐烟

其四

霄漢樓臺湧春風燕雀飛櫻桃臣舊賜首
蓓馬新肥清漏傳銀箭紅雲護袞衣窮經
晚進士慚授一官歸

雪

朔風吹破屋曙雪下續絃六合渾清氣千
山盡白雲老蛟深閉壑獨雁遠呼群想像
西湖路梅花瘦幾分

春雨

晚雨連山白春雲壓地陰叢篁栖雀亂芳
草落花深水濶西江眼天長北闕心孤桐
閑在壁忍操越南音
吳哲字子愚號淡雲野人華亭人

和上藍寺和韶公輔

遠俗依蘭君若清心爰竹房埽携蒼玉佩高
臥白雲鄉近坐天花密開函貝葉香方遶
涼月上隨意據胡床

題盛本初居易齋卷

自分駟馳懶那知踐履深風雲難強會箕
穎亦何心屑：齊門瑟悠：梁父吟周行
信如砥吾道孰銷沉

葉宣祀字南有號漪南

幽懷

季子長遊日張翰早見幾秋苑侑魚飯霜
葉滿貂衣詭遇遭時竈才猷与世違予生
傷往事甘老故山薇

陸燾字子臨四明人

野晴

雁影鄉書外江聲客思中
野晴秋獲竟村
遠晚炊同松桂如違約
文辭任嬾攻蕭
吹鬢雪又見荻花風

